

Balua na bhisi gba Polo pi omabhuka na gudhu na Tesalonike Eli na kalanu

Li nadjé lio de-e pindji nago gba Kilisito adu lie agbe tolo bhú Dadjua gba Ebhe na Tesalonike-e, Polo atsia aye balua na bhisi gba e inde-e pindji nabhuka inde me ekpí nago gba ngámá-a akolo. Aní atsia apa me a mo-o ade, do aní de-e, kala nago ka Kilisito-o, engú nasisiti di ne bhe nato mbolo li okpála-a, inde ayie ka kpála na tsulutsulu u a'i me «Bhulu yala» adú naali ané mane (2:3). Kpála ango-o adú naga Kilisito.

Polo ngapa pi okpála i ngatanga balua inde-e me, u lu bha kpekpeke bhú nabhuka, abana okpekpeke da 'ngú ne olikabhu du bha pi-ie, u du bha namene kulu ngubula nasia mukobho maka li Polo ne obi e ngamemene lie-o, amba u du ne 'ndjá bua ne namene bádha 'ngú.

Ongbengbe ongú inde bhú bhuku inde-e ngae inde:

Eli na kalanu 1:1-2

Natoko ne nadhøø 1:3-12

Lili pindji nago gba Kilisito 2:1-17

Engú inde a ayo ngubula mukobho gba makilisito 3:1-15

Eli na soso 3:16-18

Polo ne obi e yi omabhuka na gũdhũ na Tesalonike mayi

¹ Ngayi omabhuka na Dadjua gba 'Dyi ní Ebhe di ne Ngámá gba ní Yesu Kilisito na gũdhũ na Tesalonike-e, ya yi yi mayi. Ma aye balua inde-e ngama Polo, bhú dabili bini ne Silivano di ne Timoté. ² A ayo me bádha bhú 'bu ne guo 'ngú gba 'Dyi ní Ebhe di ne Ngámá gba ní Yesu Kilisito-o dũ ne yi bhú dabili bini.

Polo agie heni pi Ebhe, ani atsia ato masi bhú omabhuka

³ A ayo me ya gie heni pi Ebhe ndũ 'kpí hana ngubula yi ondaise ya. A la bhadi ndjindji me ya mene moko, anga nabhuka gba yi-e nganũ ne kalanũ naali. La di-e, mukunda li ndũ yi hana nde ne e sũnda yi-e nganũ ne kalanũ. ⁴ Kaka-a, ya ngapa 'ngú gba yi-e ne gindaginda bhú oDadjua gba Ebhe kabula kekele di ne nabhuka gba yi, abana u ngato mbolo li yi lie di ne yi ngazũ likabhu lie ne ndũ kpadji hana-o.

⁵ Bhobhomũ-o ngasuno me Ebhe ngakodho 'ngú ngbingbili. Padhá de, anga ka olikabhu inde yi ngazũ e-e, Ebhe aú me yi ati ne nali bhú Nau gba ni inde yi ngazũ likabhu ngú e ko. ⁶ Li Ebhe nde lie ne ngbili kpála-a , ani agie olikabhu pi okpála inde i ngaha likabhu pi yi ko. ⁷ La di-e, ani ahá guo 'ngú pi yi okpála inde ngadje likabhu, ani tsia há di guo 'ngú pi ya. Ani améne ongú bhomũ-o li 'kpí li Ngámá gba ní Yesu ayie lie abhúlá, ani tsia gó bhú dabili bini ne oandjelu na angu gba e-o. ⁸ Ani agó bhú dingidhi djua ngubula na'o 'ngú pí okpála inde i

kunda nambila Ebhe de, inde ngayala di naziba Bádha Ngali gba Ngámá gba ní Yesu-o. ⁹ Makalá na siti 'ngú gba uo-o, adú likabhu na duduma, li bili inde u adú lie de Ngámá Yesu ne Nau na sangu di ne angu gba e tsutsu-o. ¹⁰ Engú ango-o akódho 'kpí li 'kpí aní agó lie ngubula me ndu okpála gba ni hana inde abhuka ni-e, dhөгө ni, amba u toko di ni. Ngayi di-e, yi adú bhú ká okpála bhomu. Padhá de, anga yi abhuka ngali inde ya akpokpo e pi yi-o.

¹¹ Kaka-a, ya di ngayo Ebhe ndu 'kpí hana ngubula yi me Ebhe gba ní-e mene me yi dhuku li lele maka ani a'i yi lie-o. Ya ngayo ka ani me bhú angu gba ani-e, ani ha angu pi yi ngú namene obabadha kulu inde yi akunda namene e akólo li soso, kabula nabhuka gba yi bhú Yesu-o. ¹² Ya la di ngayo Ebhe ngubula me, okpála dhөгө 'li Ngámá gba ní Yesu kabula yi, amba u dhөгө di yi kabula ani. Bhobhomu-o améne lie ka bádha bhú 'bu inde li 'Dyi ní Ebhe di ne Ngámá gba ní Yesu Kilisito asuno e pi yi-o.

2

Bhulu Nayala líli gba Ebhe-e agó ngaiza kalanu

¹ Ondaise ya, Ngámá gba ní Yesu Kilisito agó mago, ní tsia pékebhe bhúla ní de ani. Li 'ngú ango-o, ya ngayo ka yi me, ² bua yi angamba má gala de, 'ndji yi angbingi di-i de. Yi dje ka kpála bini me Bu Bhobua apa pi ni me: «Ekpí nago ka Ngámá akolo», ne me ya apa pi ni mo-o, i du di-e me ya aye bhú balua mo-o, yi aziba

de. ³ Kpála bini apíte belegu yi de má kpó! Padhá de, anga kala nago ka Ngámá Yesu-o, agó ngaiza ne nedhinga na kpéke 'ndji li 'ngú gba Ebhe. Pipita-a, li Bhulú Nayala líli gba Ebhe-e kóto. Kpála ang-o ngakpata kpadji na djua na duduma. Ebhe andjia engú gba ani-e mandjia. ⁴ Kpála ang-o ayíe bhúlá, aní há 'gú ne Ebhe di ne ndu oehe koko hana inde li okpála ngau e maka oebhe, inde u nde la di ngadhogè o-o. Aní tsia pá me ni ane ndu uo hana. Aní anú nadu belegu bhú 'ngbé 'ti Ebhe gba omaYuda, aní tsia pá me ni ne Ebhe.

⁵ 'To yi a'íli de me nedhinga ní adu nga bha lie ne yi-e, ma adu apa engú inde-e pi yi uu-o de. ⁶ Yi mbila la bhadi hana me ehe inde ngani kpadji pi kpála ang-o me aní akóto mbia inde-e de-e ne ni-ie, amba aní koto bha bini li nedhinga inde li Ebhe a'o e pi ani-o. ⁷ Padhá de, anga angu inde awo lie mawo gba kpéke 'ndji bhomu-o akpo lita kulu akpo. Engú bini, kpála inde ngani kpadji pi ani-e adú nga bha o-o akólo li nedhinga u a'é aní lie-o.

⁸ Abhomu-o, li Bhulú Nayala líli gba Ebhe-e tsia kóto. Ngámá Yesu bhólè aní bha ne mbulá 'wo e, aní tsia ndjia angu aní ne sangu inde aní agó ne e-o. ⁹ Bhulú Nayala líli ang-o agó bhú angu gba Satana , aní tsia méne ndu djua ongamba 'ngú , ne ndu okiaka 'ngú hana, di ne ongbengbe 'ngú ngú napite okpála. ¹⁰ Aní améne ndu djua osisiti 'ngú hana ngubula napite okpála bhende ngakpata kpadji na djua na duduma-o. Ebhe andjia engú gba uo-o mandjia, anga u kunda

kukulú 'ngú inde i tí da nako nakobho uo-o de, u tsia bhuka di kukulú 'ngú ango-o de. ¹¹ Kaka-a, Ebhe ató siti mabhundja bhú uo, i tsia pite uo ngubula me u bhuka ongú na eu, ¹² amba Ebhe 'o 'ngú pí ndu okpála hana inde i bhuka kukulú 'ngú de-o, inde adu akpi mangbo ndjili li siti 'ngú-o.

Yi lu kpekpeke bhú 'bu nabhuka

¹³ Ondaise ya inde li Ngámá akunda o, pi ya-a, a ayo me ya gie heni pi Ebhe ndu 'kpí hana li 'ngú gba yi-o. Padhá de, anga Ebhe abhu nani yi nayie li lilita ngubula me yi sia mukobho li kpadji gba Bu Bhobua inde ngamene me yi du bubu, di ne li kpadji na nabhuka inde yi nde ne e bhú kukulú 'ngú-o. ¹⁴ Ebhe a'i yi me yi sia mukobho bhomu-o li kpadji na Bádha Ngali inde ya akpokpo e pi yi-o. Ani a'i yi me yi sia di sangu gba Ngámá gba ní Yesu Kilisito-o. ¹⁵ Kaka-a, ondaise ya, yi lu kpekpeke bhú 'bu nabhuka gba yi-o. Yi lila kpekpeke ongú inde ya asuno e pi yi nedhinga ya adu lie agba yi di ne bhe ya aye e pi yi bhú balua-o.

¹⁶⁻¹⁷ A ayo me Ngámá gba ní Yesu Kilisito ngae makpe di ne 'Dyi ní Ebhe, bedhe bua yi ne masi. A ayo me u ha angu pi yi ngubula me yi du namene ndu 'kpí hana bádha 'ngú, abana i du bhú nagama 'ngú, abana i du bhú namene kulu. Padhá de, anga Ebhe akunda ní, ani aha di kpéke bua na duduma pi ní ka bádha bhú 'bu gba e-o. Ani atsia amene di me ní 'o 'to ní 'to ni na paká paká.

3

Polo apa pi omabhuka me u yo Ebhe ngú ní

¹ Ngú nabu tata-a, ondaise ya, yi yo Ebhe ngú ya, amba eli gba Ngámá-a yangba má gala, amba okpála inde ngadjedje-e, mene engú inde li eli ango-o ngapa e maka yi ngamemene lie-o. ² Yi yo di Ebhe me ani kobho ya sakpa osisiti okpála na mbedhembedhe-o. Padhá de, anga a ko de me ndu okpála hana akunda nabhukaBádha Ngali-e de. ³ Engú bini, Ngámá Yesu ne kpála inde amemene engú maka ani apa lie-o. Ani ahá angu pi yi bhú nabhuka, ani tsia líla yi sakpa Siti. ⁴ Ya abhuka ne 'li Ngámá Yesu me, engú inde ya ngapa e pi yi-e, yi ngamemene moko, yi améne la bhadi mo-o ne kalanu. ⁵ A ayo me Ngámá leke bua yi ngú nambila lele maka li Ebhe akunda yi lie, di ne lele maka li Kilisito ngaha kpéke bua pi yi lie bhú nabhuka-o.

Polo agbele 'dje omabhuka li 'ngú na ipio

⁶ Ondaise ya, ya apa pi yi ne 'li Ngámá gba ní Yesu Kilisito me, yi akpétse liyi bhú dabili bini ne ondaise ní na ipio, inde i kpata líli inde ya aha e pi yi de-e de. ⁷ Padhá de, anga ngayi makpe-e, yi mbila maka a ayo lie me yi kpata lele mukobho gba ya-a ndjindji. Nedhinga ya adu lie agba yi-e, ya du ne ipio de. ⁸ Ya yo ka kpála bini de me ani ha 'zu pi ya padhá-a de. Engú bini, ya aziba ndala ne líkabhu, ya atsia amene kulu ngbikpi ne sukpe ngú napa me ya adhá bhú kpála bini bhú ká yi de. ⁹ A ayo nako me ya sia 'he ka yi padhá, engú bini, ya mene nako mo-o de, anga

ya akúnda me yi kpata lele mukobho gba ya-o.
¹⁰ Nedhinga ya adu lie agba yi-e, ya aha líli inde-
 e pí yi me: «Li kpála kúnda namene kulu de-e, a
 ayo di de me aní zú 'he-e de.»

¹¹ Ya ngapa mo-o, anga ya adje me okpála koko
 bhú ká yi ne ipio. U memene kulu de. U bha bini
 nga'o 'to o lí 'ngú bhe i tsia o de. ¹² Pí okpála
 bhomu-o, ya ngagbele 'dje uo, ya di ngayo ka uo
 ne 'li Ngámá Yesu Kilisito me, a ayo me u mene
 kulu maka ayo lie, amba u sia ezú inde akoto lí
 'kpa o makpe.

¹³ La pí yi ondaise ya-a, yi andála lí namene
 bádha 'ngú de. ¹⁴ Lí kpála kpata engú inde ya
 aye e pí yi bhú balua inde-e de-e, yi de bhele djila
 yi lí aní. Yi améne 'he bhú dabilí bini ne aní de,
 ngubula me aní dje numu. ¹⁵ Engú bini, yi aú aní
 maka bhulu yala ka yi de. Yi gbele mangbo 'dje
 aní maka suka yi.

*Polo ayo bisagu pí omabhuka na gudhu na
 Tesalonike*

¹⁶ A ayo me Ngámá na guo 'ngú-o , ha guo 'ngú
 pí yi ngae makpe ndu 'kpí hana ne bhú ndu 'ngú
 hana. A ayo me Ngámá du ne ndu yi hana bhú
 dabilí bini.

¹⁷ Ngama Polo, ma aye engú na soso inde apa
 me ma yi yi mayi inde-e ne 'kpa ma makpe. A
 bhomu-o lele nadele 'kpa ma bhú balua gba ma-
 o.

¹⁸ A ayo me bádha bhú 'bu gba Ngámá gba ní
 Yesu Kilisito-o du bhú dabilí bini ne ndu yi hana.

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 13 Jul 2024 from source files
dated 29 Jan 2022

6b4904fb-f8ce-5931-8218-7cee8914232c